

სახელმწიფო შესყიდვის

ხელშეკრულება № 58-09/013-01

ქ. თბილისი

9 ოქტომბერი, 2013 წ.

ერთის მხრივ, სს „საქართველოს ნავთობისა და გაზის კორპორაცია“ (შემდგომში – „შემსყიდველი“), წარმოდგენილი დირექტორის ფინანსურ საკითხებში ირაკლი ჩხაიძის სახით, რომელიც მოქმედებს სს „საქართველოს ნავთობისა და გაზის კორპორაციის“ გენერალური დირექტორის – დავით თვალაბიშვილის მიერ 2013 წლის 5 თებერვალს გაცემული და ნოტარიუს ნანი სიდამონიძის მიერ დამოწმებული მინდობილობის საფუძველზე (სანოტარო მოქმედების რეგისტრაციის №130093672) და

მეორეს მხრივ, შპს „ვნვ და კომპანია“ (შემდგომში „მიმწოდებელი“) წარმოდგენილი დირექტორის ნიკოლოზ კანდელაკის სახით, „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის გ) ქვეპუნქტის შესაბამისად ვდებთ ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საგანია სს „საქართველოს რკინიგზის“ ვაზიანის სადგურთან არსებული სს „საქართველოს ნავთობისა და გაზის კორპორაციის“ კუთვნილი სარკინიგზო ჩიხის მისასვლელი ლიანდაგის რეაბილიტაციის სამუშაოებზე საავტორო ზედამხედველობის გაწევა (შემდეგში – „მომსახურება“ CPV71520000).

1.2. „მომსახურების“ მახასიათებლები მოცემულია წინამდებარე ხელშეკრულების დანართ №1-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. მხარეთა უფლება-მოვალეობები

2.1. „შემსყიდველი“ უფლებამოსილია მოსთხოვოს „მიმწოდებელს“ ხელშეკრულებით ნაკისრი ვალდებულებების დროულად და სრულად შესრულება.

2.2. „შემსყიდველი“ ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებულ პირობებთან და ოდენობით;

2.3. „მიმწოდებელი“ უფლებამოსილია, მოსთხოვოს „შემსყიდველს“ ხელშეკრულებით ნაკისრი ვალდებულებების დროულად და სრულად შესრულება.

2.4. „მიმწოდებელი“ ვალდებულია, კეთილსინდისიერად, ხარისხიანად და დროულად შეასრულოს მასზე ამ ხელშეკრულებით დაკისრებული მოვალეობები;

3. „მომსახურების“ გაწევის წესი, მიღება-ჩაბარების წესი და ანგარიშსწორების პირობები

3.1. „მიმწოდებელი“ ვალდებულია გაუწიოს „შემსყიდველს“ წინამდებარე ხელშეკრულებით გათვალისწინებულ „მომსახურებას“ სს „საქართველოს რკინიგზის“ ვაზიანის სადგურთან არსებული სს „საქართველოს ნავთობისა და გაზის კორპორაციის“ კუთვნილი სარკინიგზო ჩიხის მისასვლელი ლიანდაგის სარეაბილიტაციო სამუშაოების დაწყებიდან დასრულებამდე (სარეაბილიტაციო სამუშაოების პერიოდი შეადგენს 75 კალენდარულ დღეს სარეაბილიტაციო სამუშაოების დაწყების დღიდან).

3.2. „მომსახურების“ დასრულებისთანავე „მიმწოდებელს“ და „შემსყიდველს“ შორის ფორმდება მიღება-ჩაბარების აქტი, რომელსაც ხელს აწერენ მხარეთა მიერ უფლებამოსილი პირები.

3.3. წინამდებარე ხელშეკრულებით განსაზღვრული „მომსახურების“ საერთო ღირებულება შეადგენს 459.00 (ოთხასორმოცდაცხრამეტი) ლარი დღგ-ს გარეშე.

3.4. ანგარიშსწორების განსახორციელებლად „მიმწოდებელმა“ უნდა წარმოადგინოს მიღება-ჩაბარების აქტი.

3.5. ანგარიშსწორება „მიმწოდებელთან“ წარმოებს უნაღდო ანგარიშსწორების ფორმით, „მიმწოდებლის“ მიერ წინამდებარე ხელშეკრულების 3.4. პუნქტით გათვალისწინებული დოკუმენტების „შემსყიდველისთვის“ წარმოდგენიდან 10 (ათი) სამუშაო დღის ვადაში.

4. „მომსახურების“ ხარისხი

4.1. „მიმწოდებელი“ იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს „შემსყიდველის“ მოთხოვნებს წინამდებარე ხელშეკრულების N1 დანართით გათვალისწინებულ ფარგლებში;

4.2. მომსახურების ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

## 5. გარანტია, პასუხისმგებლობა და ხელშეკრულების პირობების შეუსრულებლობა

- 5.1. „მიმწოდებელი“ იძლევა გარანტიას, რომ მის მიერ გაწეული „მომსახურება“ შეესაბამება ხელშეკრულების 1.2 და მე-4 მუხლებში მითითებულ კრიტერიუმებს.
  - 5.1.1. იმ შემთხვევაში, თუ „მიმწოდებელი ვერ უზრუნველყოფს 5.1 მუხლში მითითებული კრიტერიუმების შესაბამისი „მომსახურების“ გაწევას „შემსყიდველს“ უფლება აქვს დააკისროს „მიმწოდებელს“ „მომსახურების“ ღირებულების ოდენობის პირგასამტეხლოს გადახდა, რაც „მიმწოდებელმა“ დაუყონებლივ, მაგრამ არაუგვიანეს 3 (სამი) კალენდარული დღისა („შემსყიდველის“ მიერ მისთვის („მიმწოდებლისთვის“) პირგასამტეხლოს დაკისრების თაობაზე წერილობითი შეტყობინების მიღების დღიდან) უნდა გადაიხადოს.
  - 5.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.
  - 5.3. არაჯეროვანი „მომსახურების“ გაწევის შედეგად „შემსყიდველისთვის“, ან მესამე მხარისათვის მიყენებული ნებისმიერი ზიანის ანაზღაურება ეკისრება „მიმწოდებელს“.
  - 5.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.
  - 5.5. „მომსახურების“ გაწევის დაყოვნების შემთხვევაში „მიმწოდებელი“ ვალდებულია გადაუხადოს „შემსყიდველს“ პირგასამტეხლო ყოველ ვადაგადაცილებულ კალენდარულ დღეზე „მომსახურების“ საერთო ღირებულების 0.1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.
  - 5.6. „შემსყიდველის“ მიერ ანგარიშსწორების ვადის გადაცილების შემთხვევაში „მიმწოდებელს“ უფლება აქვს დააკისროს „შემსყიდველს“ პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0.1%-ის ოდენობით.
  - 5.7. „მიმწოდებლის“ მიერ პირგასამტეხლოს გადახდა, სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

## 6. მხარეთა პასუხისმგებლობისგან გათავისუფლება

- 6.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).
- 6.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.
- 6.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 6.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

## 7. ხელშეკრულების ინსპექტირების პირობები

- 7.1. „შემსყიდველს“ ან მის მიერ უფლებამოსილ პირს უფლება აქვს განახორციელონ „მომსახურების“ კონტროლი და/ან შეამოწმონ, სრულად არის თუ არა გაწეული „მომსახურება“.
- 7.2. „მიმწოდებლის“ მიერ ხელშეკრულებისა და მისი დანართის შესრულებაზე კონტროლს ახორციელებს „შემსყიდველის“ მიერ შექმნილი ინსპექტირების ჯგუფი.
- 7.3. ინსპექტირების ჯგუფის ფუნქციებია:
  - 7.3.1. მომსახურების მოცულობის, ხარისხისა და ვადების წინამდებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;
  - 7.3.2. წინამდებარე ხელშეკრულებით გათვალისწინებული ანგარიშსწორების პროცესის რეგულირება;
  - 7.3.3. საჭიროების შემთხვევაში წინამდებარე ხელშეკრულების შესრულების მიმდინარეობის ამსახველი პერიოდული დოკუმენტაციის წარმოება და შენახვა;
  - 7.3.4. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.
- 7.4. „მიმწოდებელი“ ვალდებულია საკუთარი რესურსით უზრუნველყოს ინსპექტირების ჯგუფი შემოწმების ჩატარებისთვის აუცილებელი პერსონალით, ტექნიკურ საშუალებებითა და სხვა სამუშაო პირობებით.
- 7.5. ყოველი გამოვლენილი დეფექტის და/ან ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“.

8. ხელშეკრულებაში ცვლილებების შეტანა

- 8.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 8.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა სამოქალაქო კოდექსის 398-ე მუხლით დადგენილი შემთხვევებისა.
  - 8.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 8.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.
- 8.4 ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

9. ხელშეკრულების ძალაში შესვლა და მოქმედების ვადა

- 9.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2014 წლის 30 იანვრის ჩათვლით.
- 9.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

10. ხელშეკრულების შეწყვეტა

- 10.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.
- 10.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:
  - ა. რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რა ვადაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში.
  - ბ. ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;
  - გ. სსკ 398-ე მუხლით გათვალისწინებულ შემთხვევაში.



11. დავების გადაწყვეტა, მარეგულირებელი სამართალი

- 11.1 მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.
- 11.2 შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.
- 11.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

12. დასკვნითი დებულებები

- 12.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.
- 12.2 ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართის ნამდვილობაზე.
- 12.3 ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

13. მხარეთა რეკვიზიტები და ხელმოწერები

<p>“შემსყიდველი”          სს “საქართველოს ნავთობისა და გაზის კორპორაცია”          მის: ქ. თბილისი, კახეთის გზის №21          ტელ/ფაქსი: 2 24 40 40 / 2 24 40 40          ს/კ 206237491          სს “საქართველოს ბანკი”          ბ/კ: BAGAGE22          ა/ა GE80BG000000145720098          დირექტორი ფინანსურ საკითხებში          გ. მანუჩი</p> 	<p>“მიმწოდებელი”          შპს „ვნვ და კომპანია“          მის: ქ. თბილისი, მხატვრის ქ. #2.          საიდ. კოდი: 205201841          ტელ: 2 60 08 31; 599 760222.          შს “საქართველოს ბანკი”          ბ/კ: BAGAGE22          ა/ა GE17BG0000000592444300          დირექტორი          ნ. კანდელაკი</p> 
--	--

Handwritten signatures of the representatives of both parties.

დანართი #1 - ტექნიკური დავალება

სს „საქართველოს რკინიგზის“ ვაზიანის სადგურთან არსებული სს "საქართველოს ნავთობისა და გაზის კორპორაციის" კუთვნილი სარკინიგზო ჩიხის მისასვლელი ლიანდაგის რეაბილიტაციის სამუშაოებზე საავტორო ზედამხედველობა.

პროექტის საავტორო ზედამხედველმა უნდა განახორციელოს კონტროლი პროექტით გათვალისწინებული პირობების დაცვაზე, მოცემული სარკინიგზო ჩიხის სარეაბილიტაციო სამუშაოების წარმოების პერიოდში. აღნიშნული ქმედება უნდა აწარმოოს საქართველოში მოქმედი კანონებისა და შესაბამისი ნორმატიული დოკუმენტაციის გათვალისწინებით.

უნდა იქონიოს აქტიური საქმიანი ურთიერთობა ტექნიკურ ზედამხედველთან, კერძოდ: ზედამხედველობას უნდა უწევდეს ტექნიკური ზედამხედველის მიერ ცალკეული სამუშაო ეტაპების ჩაბარების პროცესს, და პარაფირებას უკეთებდეს ტექნიკური ზედამხედველის მიერ სარეაბილიტაციო სამუშაოების თითოეული ფაზის დასრულების მიღება ჩაბარების აქტებს.

სამუშაოების დასრულების შემდეგ, საბოლოო ანგარიშის სახით შემსყიდველს წარუდგინოს დოკუმენტი (აქტი), რომელმაც უნდა მოიცვას საპროექტო მონაცემებთან შესაბამისობაში სამუშაო პროცესის აღწერა. აღნიშნული დოკუმენტის საფუძველზე შემსრულებელთან გაფორმდება შესაბამისი მიღება-ჩაბარების აქტი.

სავტორო ზედამხედველი პასუხისმგებელია დროულად და ხარისხიანად შეასრულოს ნაკისრი ვალდებულებები და წარუდგინოს სნგკ სავტორო ზედამხედველობის განხორციელების გეგმა- გრაფიკი.

სარეაბილიტაციო სამუშაოების დასრულების შემდეგ, იმ შემთხვევაში თუ საგარანტიო ვადის გასვლამდე აღმოჩენილი იქნა სამუშაოს უხარისხოდ შესრულების ან რკინიგზის ლიანდაგის ტექნიკური გაუმართავობის ფაქტი, სავტორო ზედამხედველი - ტექნიკურ ზედამხედველთან და უშუალოდ სამუშაოს შემსრულებელთან ერთად იზიარებს შესაბამის პასუხისმგებლობას.

“მიმწოდებელი”  
შპს „ვნვ და კომპანია“  
დირექტორი



ნ. კანდელაკი

